

中國印

府州縣

軍國集



CLOUDSCAPE

云景

中國五族

府州縣

軍國軍民

江西全省輿圖



凡例

一省府直隸州各圖欽遵

頒示省作回府作口直隸州作回散廳作◇散州作口縣作○散廳州縣

各圖畧為變通城池照真形繪畫作○大圈為城小圈為署同通

駐所作圖佐雜駐所作古稅關作古釐局作節釐卡作古鹽局作

鹽卡作古陸路營作古水師營作古陸汛作古有駐防官作古

水汛作古有駐防官作古大鎮隨形繪畫於駐防所外加圈作古

墟市作△村莊作▲驛鋪作●關隘作○礮臺作□古城作四

山鎮作



水道作



津渡作



橋梁作



道路作

電綫作



省界作



府界作



縣界作



一鎮汎鋪市同在一處則單畫鎮汎不畫鋪市如汎鋪市同在一處則單畫汎不畫鋪市如鋪市同在一處則單畫鋪不畫市

一有文武官駐防者俱以鎮論水師營駐防官不計

一縣境如有同通及叅遊都司等官分防者皆於分防處所敘明職官表內概不編入府屬經歷照磨等官亦如之若都司係防汎則仍編入

一營屬係存城非防汎者概不編入

一汎下云轄若干汎者俱除本汎不計又凡水師營則加注以別於綠營

一山川鎮市村莊之類係二縣或三縣互界者則各縣並敘汎鋪則

單敘於所轄之縣其非所轄而亦敘者則注明係某縣轄

一驛鋪里至畺域已詳鄉鎮從畧

一各縣村莊大小不同大村圖表並敘中村敘表小村從畧倘係要區及有關水道處所雖小村亦必圖表並敘又有村莊統於鎮市者既敘鎮市即不復敘村莊

一墟店塘鋪稱名不一實即市也今悉據實編入又有市名載入縣志今查並無店鋪俱係居民者一概併入村莊條內

一廣縱鳥道以盡界計里縣距府鳥道以府署縣署計里若非注明鳥道者俱以人行計里

一陸程里數與水程有同有異水道表據水程計里餘皆從陸程計

里

一擇大路八條敘在四正四隅餘皆從畧其或不能依方位者則加

注聲明

一驛路單敘鋪名不敘他名如係大鎮或係交界則仍敘入又驛路非以鋪為界者則於交界地名注明又若干里至某鋪以便兩縣相接又凡大鎮其地相隔甚廣各據所在計里

一畺域山川方位里數地名與省府縣志及全省圖說各有不符今皆核實改正

一省府縣志及全省圖說凡所載縣屬諸山除編列圖表外或查係平岡或查係誤隸本境今概從刪又凡敘山俱自入境敘起至出


境而止其發脈及脈盡之處俱由各該縣詳敘又凡峯巒相隔在
十里以外者則注明距城里數或峯巒綿亘或相隔不及十里則
不注里數以免繁瑣


一敘水亦自入境敘起至出境而止其水源及水所會歸之處則由
各該縣詳敘又水分支者則云支流以別於幹流幹流則止云某
水

一敘山敘水俱以城為準城在水南則先敘南條城在水北則先敘
北條東西如之

一經緯時刻省府首縣以布政司署為準外府首縣以府署為準餘
皆以縣署為準散廳州如之

一沿革以正史為據其無可據者俱擇善而從





安徽省之西南為江西省江西巡撫治南昌府布政司一同治焉統府十三直隸州一南昌府之北南康府九江府其東饒州府其東南廣信府其南撫州府其西南瑞州府袁州府臨江府臨江府之南吉安府又南贛州府南安府撫州府之南建昌府甯都州大江水自湖北東流入境經九江府北合鄱陽湖水及龍開河水馬埠水湖北沙池水安徽清水港水入安徽境鄱陽湖一曰彭蠡湖在南昌府東北南康府東九江府東南饒州府西納十數水最大者贛水北流入於江章水出南安府東流合湖南積龍水至贛州府治北與貢水會貢水自福建西流入境經甯都州至贛州府合湘水梅江水潯江水及潯水桃江水甯都州瀾水與章水會曰贛水北流經吉安府合遂江

水禾水瀘水贛州府孤江水撫州府贛溪水又經臨江府合袁州府
袁水至南昌府合蜀水汝水脩水及瑞州府曲水蚪嶺水注鄱陽湖
湘水出贛州府北流合福建羊石隘水注貢水梅江水出甯都州西
南流合漢水琴水至贛州府注貢水潏江水出贛州府南流合潏水
注貢水遂江水自湖南東流入境至吉安府合湖南左溪水右溪水
注贛水禾水出吉安府東流合文滙江水勝業水曰禾水又合潏水
注贛水蜀水出袁州府東流經瑞州府合袁州府廬江水府藤江水
至南昌府合瑞州府蚪嶺水注贛水汝水出建昌府北流合唐坊水
洗馬橋水與東源會東源自福建西流入境至建昌府合黎水與汝
水會北流經撫州府合建昌府清江水府金谿水宜黃水寶唐水東

鄉水至南昌府分支一注贛水一合九曲水注鄱陽湖信江水其源
曰金沙溪玉琊溪俱出廣信府西流合福建二渡關水府合港水桐
木水裡花水葛源水福建雲陰水府須溪水至饒州府合白榆河水
及竹屯河水注鄱陽湖白塢河水源二一自福建北流入境經建昌
府合福建南港水又經廣信府至饒州府一出撫州府北流至饒州
府二源合而為一注信江水樂安江水其源曰婺江自安徽西流入
境至饒州府合洎水竹屯河水廣信府潭溪水銅山港水安徽文溪
水與鄱江水會鄱江水其源曰大北水自安徽西流入境合番源水
安徽小北水大演水長溪水與樂安江水會注鄱陽湖脩水出南昌
府東流合武甯水安坪水白石港水巾口水至南康府合繇水九江

府博陽水府蓼花池水興贛水會注鄱陽湖饒水樹長港水禪山港水俱自安徽南流入境至饒州府合童子渡港水注鄱陽湖西洋水出南康府南流注鄱陽湖濂溪水出九江府東流入安徽境北隄阪水出九江府西流中村水出南昌府東流俱入湖北境汨水焦洞水東陽水俱出南昌府龍門江水栗市水柵木山水冷水坑水草市水巖壺嶺水俱出袁州府水雲洞水茶水俱出吉安府俱西流入湖南境三坑水出贛州府合三伯坑水東流鄱鄢江水出贛州府合福建馬伏嶺水南流俱入廣東境龍山溪水出廣信府東流入浙江境天寶極元峯一曰獻原山一曰西山黃龍山一曰輔山幕阜山一曰桓山黃岡山俱在南昌府境匡廬山在南康府境浩山在饒州府九江

府境三清山懷玉山俱在廣信府饒州府境龍虎山封禁山一曰銅塘山俱在廣信府境血木嶺在建昌府境羅霄山一曰瀘瀟山桐木嶺黃圃山俱在袁州府境鼎都山梅嶺一曰庾嶺俱在南安府境東至浙江界西至湖南界東南至福建界西南至廣東界東北至安徽界西北至湖北界

附全省形勝畧

劉歆言湖漢等九水入彭蠡鄱道元言贛水總納十川注於彭蠡論雖不一然以贛水為經流以彭蠡為總匯形勝驗然源二分於章貢流一合於贛縣出荷湖館而會袁川趨象牙潭而挹蜀江奔騰真前不可以遏泊抵會垣洲渚廣出尾閭一東帆檣林立旅人斷縑洵雄